

南潯志卷二十八

里人周慶雲纂

災祥一

宋太平興國六年大水

咸平元年旱二年旱三年大饑民疫死

景德二年饑

大中祥符五年旱七年饑

天禧元年蝗民饑三年饑

乾興元年二月水壞民田

天聖元年大水饑四年九月雨水壞民廬舍

寶元元年旱無禾二年饑

南潯志

卷二十八

災祥一

一

慶歷八年大水田滄幾盡

皇祐二年大水

唐樞縣志作慶歷庚寅劉沂春高必騰縣志作慶歷九年並譌四年水

嘉祐五年水災六年七月淫雨為災

熙寧三年旱四年水災五年水六年饑七年大旱八年連大旱

民多殍死

按吳興掌故集作治平八年譌

十年春旱

元豐四年大水五年久雨太湖水溢六年正月大雨至六月太

湖泛溢田不布種廬舍漂蕩

元祐元年春旱三年秋旱四年夏旱饑疫大作五年水災六年

水災

劉沂春縣志云龍川畧志謂大旱誤

紹聖元年海風害民田九月地震三年地屢震四年旱

元符元年旱二年六月久雨

建中靖國元年自七月雨至十月水

崇寧元年旱饑二年蝗三年蝗四年水

大觀元年水災三年旱

政和五年水災

重和元年大水

宣和元年水災三年蝗六年水災

建炎二年春水三年五月霖雨夏寒秋旱四年二月大疫夏秋

旱大饑

胡承謀府志作霍雨害稼乃紹興四年事

紹興元年饑六月大疫二年春饑米斗千錢時餽饗繁急民益

艱食八月地震三年旱八月地震四年六月霍雨害稼

栗祁府志

作建炎八年譌

五年五月旱三十餘日八月大雨太湖溢六年地震

南潯志

卷二十八

災祥一

二

七年旱十三年三月望大雪十四年大水十七年大水十八

年旱饑二十三年大水二十四年旱二十八年大風水二十

九年秋旱民饑

吳興備志云掌故集宣和二十八年蘇湖大

在紹興二十九年徐誤以紹興為宣和二十九年為二十八

年今正之今按宋史紹興二十八年水二十九年旱掌故宣

和二十八年乃紹興二十八年之誤備志

謂當作二十九年則以旱為水亦誤也

三十年秋旱十月

螟蝻胡承謀府志作久雨劉沂春三十一久雨傷蠶麥三

十二年六月大霖雨江東蝗飛入湖州境聲如風雨害稼民

饑斗米千錢

隆興元年八月大風水飛蝗蔽天螟害稼二年七月大水操舟

行市者累日人溺死甚眾越月積陰苦雨水患益甚饑民疫

者尤眾

乾道元年二月寒敗首種損蠶麥六月水壞圩田饑疫殍徒者

不可勝計二年正月淫雨至于四月夏寒損稼蠶麥不登三

年青蟲食穀穗八月水壞民田廬積潦至于九月禾稼皆腐

吳興掌故集四年七月久雨六年大水秋螟為害冬饑栗祁府志

作乾元六年譌七年秋大旱

淳熙二年秋旱螟三年積雨損禾麥八月連雨水害稼六年水

壞圩田七年旱饑八年七月不雨至于十一月旱九年春大

無麥八月蝗饑十年蝗害稼十一年水劉沂春縣志作十四

年春疫七月旱至于九月乃雨高必騰縣志作乾道十四年

熙十四年復出並譌十六年五月霖雨

紹熙四年霖雨壞圩田害蠶禾蔬種五年自去冬不雨至於夏

南潯志

卷二十八

災祥一

三

秋大旱既又霖雨害稼冬無麥苗饑

慶元元年九月久雨米價翔踊大疫二年大水蟲災三年疫春

夏不雨禾稼不能入土四年秋荐饑多道殣五年六月霖雨

至於八月復大疫六年冬暖無冰雪

嘉泰元年大旱荐饑二年春旱至于夏大蝗四年五月不雨至

於七月旱

開禧元年夏不雨百餘日二年四月地生毛三年夏秋久旱大

蝗羣飛蔽天豆粟皆既于蝗震澤縣志震澤鎮志並作二年譌

嘉定元年旱大蝗疫二年夏四月旱至於七月乃雨又蝗六年

雹害稼六月雨至於七月吳興掌故集劉沂春縣志並作開禧六年譌七年蝗夏

秋大旱八年春旱首種不入至于八月乃雨飛蝗蔽天饑吳興

掌故集作開禧八年大旱嘉泰八年饑劉沂春縣志云嘉泰八年饑皆譌九年四月至八月大雨

水災十一年六月霖雨饑饉亡麥苗十四年旱吳興掌故集作開禧十四年

年十五年七月霖雨為災十六年五月霖雨水漂民廬害稼

吳興備志云開禧十六年湖州大水徐氏掌故集作六年誤今攷掌故集明載嘉定十六年霖雨未嘗誤也其開禧六年

大水一條乃嘉定六年之誤耳開禧止三年安得有十六年董氏之誤更甚于徐矣劉沂春縣志沈彤震澤縣志並誤作

開禧十六年

寶慶三年七月大風拔木水溢大饑

紹定元年春大疫三年夏大雨四十餘日田禾蕩沒

嘉熙四年大旱蝗人相食

淳祐二年盛夏積雨大水七年旱十一年水

寶祐二年大水三年大水

南潯志

卷二十八

災祥一

四

開慶元年大水

景定二年霖雨水災三年二月水民多溺死八月蝗螟

咸淳三年大水六年閏十月水十年八月大霖雨胡承謀府志有景定十年

八月安吉武康縣水即此年事複譌

德祐元年大水

元至元二十三年大水二十四年大水饑二十五年三月大水

壞田稼二十七年大水二十八饑二十九年水

元貞元年大水二年大水饑

大德元年大水二年蝗五年七月積雨泛溢大傷民田六年饑

七年六月淫雨饑十年大水害稼大風太湖溢十一年水民

饑明姜南即鮫憑賦錄云元大德十一年杭州大饑何長者敬德乃請杭好善而有才智者五六人即菩提寺作粥夜

真大甕中明日且饑民以至先後列堂廡下或溢出門外道上相向坐虛其前以行粥用兩人舁一人執杓以注器中食已以次去始六月至八月凡七十日饑民無死者石塘胡先生長孺云往歲湖州作糜食饑人糜脫釜猶沸涌器中人急得食食已輒仆死百步間長者夜作粥貯大甕中蓋懲湖州事也有意哉按此事與吾湖有涉且足為後鑒故附載於此

皇慶二年七月大風太湖溢

延祐三年雨田半滄五年雨田滄過半六年七年如之大饑

至治二年大水

泰定三年水

天曆元年水沒民田二年旱饑冬大雪太湖冰厚數尺

至順元年大水饑疫二年恆陰水害稼太湖溢三年大水

元統三年大水

南潯志

卷二十八

災祥一

五

後至元二年自春至于八月不雨大饑三年水田半滄四年至六年如之

至正元年大水田禾滄沒大風太湖逆湧而入民廬頃刻倒蕩

民大饑

栗胡二府志震澤縣志烏青鎮志董志范志俱作二年今攷元史順帝紀實在元年

六年水七

年大水無秋八年大水十年大水十一年大水十三年大水

十五年大水十六年大水二十年饑

明洪武二年大水六年水荒七年大水八年大旱十二月水九

年大水十七年大水十八年二十年二十二年二十七年如

之三十一年水三十五年如之

永樂元年大旱蝗二年水饑三年大水四年饑七年大水九年

霪雨沒田疫十年水十一年水疫十二年水災十三年水傷

田十四年水十六年大水二十年大水二十一年如之

洪熙元年夏積雨傷稼

宣德元年春夏雨禾稼損傷五年大水九年旱饑

正統三年饑五年正月大雪二旬積丈餘夏大水秋亢旱斗米千錢大疫饑殍載道六年春夏並旱饑七年大水太湖溢七月大風無秋八年地生白毛八月大風潮田禾悉漂沒九年大水隄防衝決湮沒禾稼十一年夏連月大雨水災地震十二年大旱蝗饑十四年大水無秋

景泰元年正月大雪二旬間有黑花凝積丈許夏復淫潦大饑四年十一月至五年春大雪數尺壓覆民居諸港冰結舟楫不通人畜凍死夏大水民相食六年旱大饑七年久雨沒田

南潯志

卷二十八

災祥一

六

禾

天順元年四五月連雨苗爛三年旱四年四五月陰雨連絲江湖泛溢麥禾俱傷五年大水八年大水饑

成化元年久雨無秋七年水災九年四月水災十二年大水冬大雪大寒十三年春水無麥好蚘生九月桃花盛開十四年大水十五年九月地震十七年春夏不雨七月雨有颶風八月連大雨太湖水溢平地深數丈九月朔大風雨晝夜如注至冬無日不雨禾稼僅存者悉漂沒明年大饑人相食二十年水大饑二十二年大水

宏治元年饑四年水旱迭作五年夏秋水饑七年大水八年饑十六年旱饑每夜妖魔橫發魘人舉境以內驚駭徹曉十八

年地震生白毛

正德三年大旱四年大水民疫五年大水民疫地震生白毛米價石二兩七年三月地震有聲八年四月連日大風雨洪水泛溢十二月大雪丈許溪河凍冰厚尺餘九年蝗不害稼十二年大雨殺麥禾大水十三年六月大雨水渰田十四年秋大水突出平地數尺田禾盡渰

嘉靖元年水災二年大水歲三至三年大水四年大水八年夏蝗秋螟十三年水災十五年水災十六年水災十九年蝗飛蔽天傷稼大半二十三年大水朱國禎救荒略作久雨與潯鎮志震澤縣志及董志皆作大旱譌二十四年旱太湖水涸人食草根木皮大疫二十七年十二月雷電二十八年大水三十二年旱三十

南潯志

卷二十八

災祥一

七

三年地生毛十月倭賊入嘉興載輜重百餘船北抵王江涇出南潯掠阜林烏鎮等市三十四年正月倭復至海鹽轉掠雙林出南潯湖兵熟于水戰邀擊頻勝賊棄輜重二十餘舟五月二十八日辛酉倭寇三百餘自南潯至松江之葉謝總兵湯克寬同知都文奎逆擊于黃浦大勝之渡浦來援者皆溺死是年忽晝暝每數日並出日光亦搖蕩不定十月天雨赤豆三十五年倭警鎮民驚竄烏程知縣張冕督兵千餘逐捕過鎮以軍法從事攝大戶斷溪東流三十六年有妖人馬祖師者流寓烏鎮以白包巾幻術惑眾官司以兵捕之馬妖樹青白二旗放火肆掠官兵追及於南潯雙林間眾皆殲獨馬妖逸去徧蹤跡之不能得范志引瑣錄作萬曆三十六年九月事譌三十七年

水三十八年大旱三十九年四月地震屋廬搖動如帆河水  
撞激魚皆躍起十二月雷電四十年正月雪雷閏五月至十  
月霖雨不息禾沈水底大饑四十一年大水四十二年十一  
月二次大雷四十四年六月地震四十五年馬道人爲妖遠  
近大鬩各戶多懸籬籬籬四字以厭之三四月方息

隆慶元年訛言朝廷選宮女於三吳間旬日民間婚嫁殆盡二  
年元旦大風揚沙走石白晝晦冥大旱三年五月大風雨田  
禾渰沒秋亢旱大荒四年水災六年夏雷雹

萬曆三年春旱五年六月連雨寒如冬六年螟害稼冬雨木冰  
大水七年大水渰禾冬至前一日大雷虹見

明董份與郡伯及泉李公書份昨因民間洶洶出而觀之

見水皆滔天圩皆如沼而室家倒塌遠近呼號份望水則  
魂搖聞號則心碎不知天之降災何至是極也今稍窪者  
已蕩沒矣惟高者尙在救護然其間不過十之一二耳而  
天倘不雨則人力猶有可施今雨勢不但不止且時復傾  
盆恐不沒不已也將如之何聞公以惻隱之心懷焦勞之  
志日來爲民祈禱無所不至矣今所恃者惟有公至誠回  
天若稍得雨止或可救此十之一二否則一望皆湮矣乞  
公身率各屬檄下各縣大行停禁咸極焦勞真有爲民請  
罪于皇天之意庶幾天或稍回民可稍活則萬民仰戴而  
亦公憫民窮恤民隱之至情也昨嘉禾流民聚眾攘動闔  
郡驚惶而我湖獨賴公撫綏有素坐鎮有方是以鄰壤如

沸湯而湖中獨如安堵人實陰受其賜而不知其由也故  
份獨闔門感之逢人卽誦非以爲諂亦自謂獨知其所由  
耳然舊歲我湖雖未可爲豐穰亦未盡爲荒歉是以民不  
敢動法猶可行今田旣皆渰人將無賴矣頃聞自平望至  
茗城百里之間沿途多搶行舟將絕恐攘奪之端一啟而  
變亂之漸將生機已動于目前非細故也今所恃者全仗  
我公夫此時非爲處常實乃禦變夫禦變之道必先結之  
以恩而後重之以法所謂恩者公有焦勞祈禱竭誠之意  
民旣知感矣而必當預爲多方賑濟之圖民知將有賑濟  
則庶以少安其心民知急圖賑濟則尤以感動其心民之  
恃公眞如赤子之恃乳母豈有赤子而忍悖乳母者乎如

此則公之恩結矣而後以法制之昔在周禮治亂國則用  
重典而孔明以嚴治蜀實倣此意夫周家仁厚豈欲其用  
重典哉而三國當戰爭之時姑息不暇孔明豈欲其用嚴  
哉蓋亂國而待以仁厚則民無忌憚而其亂益滋戰爭之  
時而待以姑息則軍無統紀而戰爭必敗此聖王之法而  
賢者之妙用也今當此時雖未爲亂而其機已萌矣其漸  
已見矣若一人不治則百人效尤一處得利則百人染指  
此必須大爲出榜重爲禁戢而訪其甚者擇其渠魁轉申  
部使者示以嚴禁處以重辟彼見法令如此自不敢犯矣  
夫恩以結之而民有所依法以制之而民有所畏聖人所  
謂安民者計無出此伏惟高明察焉

萬曆八年大水饑孝豐縣志云旱大村墅間薄暮覺五里外洶

洶人聲如捕賊者稍冥益近而厲如數千人水戰狀大呼擊

撞火光四合燄在樹端震動天地夜半方熄九年大水十年

七月大風雨太湖泛溢十一年旱十二年正月地震冬無雪

十三年大水十四年大水十五年元旦雨雪浹旬不止雨木

冰秋大風雨拔木太湖溢平地水深丈餘十月米價七錢一

石次年貴至一兩七錢饑疫死者棄尸滿道河水皆腥十六

年蝗旱疫蘇州府志作隆慶十六年譌李樂見聞雜記云吾

鄉萬曆十六年荒甚有一郡伯令窮民至富家食

粥百十成羣幾致大亂又下令顧米之家止許賣一兩一石

米愈不出價日益高畢竟到一兩六錢一石纔佳又漣川沈

氏農書云湖州水鄉每多水患而滄沒無收止萬曆十七

六年三十六年崇禎十三年疑十六年為十五年之譌

年連歲大旱震澤為平陸大疫饑殍載道夏雪十八年旱十

南潯志

卷二十八

災祥一

十

九年大水二十一年冬不雨二十二年元旦雷雨二十三年

大雪平地丈許二十四年五月至七月不雨七月十一日將

夕河水忽涌起二尺餘少選復平如此者三八月驟雨狂風

數日夜不息大水冬大雪寒溪湖水凍舟楫不通二十五年

正月雷電二月黑雨黃沙二十六年冬雷二十七年五月怪

風拔木二十八年九月地震二十九年霖雨傷麥六月寒氣

逼人至七月始熱八九月仍熱如故里無不病之家無不

病之人江湖溢秋禾不能栽種三十二年疫十月地震三十

三年旱烏青鎮志作三十六年夏霖雨湖水泛溢大饑

明朱國禎戊申年救荒畧萬曆年來稱水荒者無過十五

年次年米貴至一兩七錢饑疫死者無慮數十萬棄尸滿

道河水皆腥其禍最慘今比十五年不止水勢增高數尺而已大端最可駭最難救者有三十五年水發在四月中旬圩田存沒約相半五月中旬天晴水漸消已沒者亦重救三分之二買苗種田甚至偷苗搶打告狀只是費力多用本重今者盡數滄沒水至五月中尙未退田中無一顆新苗卽欲下秧再種何處可下且立秋已近下亦無用小民旣無田作豈肯束手待斃遊棍煽動亂搶相殺其大不同者一十五年只烏程歸安吳江水滄至多水發源高處安吉武康易溢尤易消鄰近最高如嘉秀嘉善崇德桐鄉原未嘗沒記得是年十月米價止七錢一石次年外江米絡繹而下並無攔阻然猶其貴如此今最高者俱沒俱不

可再種目下卽糶八九錢零星者一錢一斗人心惶惑市棍攔阻米船索詐搶奪其大不同者二水漲雨淋小民所恃惟在圩岸岸上復加浮土堵拒奈上雨盆注下水驟擁忽然奔潰立地平沈民房盡在水內所存之米蚪斛罌甌猶卽搬移自數石以上皆結固安頓水圍囿外頃刻便透見存者先損強半又村落人家有甚堅牢房子淋漓倒塌景象可知有船者船居無船者或于僻遠處俟小船經過推其人及行李于淺處駕船而去紛紛搬入城市無可搬者十室而九此其大不同者三十七日便舟看塘棲新墓阻橋不得出遇熊壇石使君易小艇陪上西湖復換舟至塘棲則前舟已自橋左偏浮出取道崇德石門歸傳者謂

平望水急不可上復至五林自德清郡城歸南潯三百五十里間不沒者止石門一圩昇山一圩及做鎮九里橋一圩止耳此廿二日事次日水漲七八寸九里橋一圩卽夕沒昇山繼之石門當亦可知以耳目經見高岸在水心水面只草尾一望連天驛路大橋彎如新月總之處處霖雨夾以山泉湖海俱溢擁以東風不能卽洩立秋甚近農望絕矣某自信勘水最真無過不佞某農家子也水災如此題請在撫按覆允在司農講求賑濟在良有司更在專遣主持匡正在政府意外攘亂在朝廷威德卽百姓盡數溝壑亦自家大運災劫如此區區私憂焉能有無但今日未憂錢糧決無措辦未憂小民決然饑饉嘯聚餒死兵死姑

以最小一事言之傳曰雖有饑饉必有豐年上之勤劬而救下之忍死待救謂來年再可播種也種田而舍穀種可乎湖州田三萬頃每畝穀種四升該穀十二萬石從何處來從何處出舊穀又不可用若非曠然將漕白糧盡折又大蠲大賑則官府鞭敲吏書魚獵奸民吞噬亂民挺突貧者貧富者亦貧餓者死不餓者亦死天下事未知所終也先儒曰仁人心也心如穀種願當道君子先護此穀種若曰田有高有低有山鄉有水鄉水有漲有消圩不必盡沒苗不必盡死民間蓋藏可支富戶可借米不可盡蠲申報者多虛恢譚論者太激切自古皆有荒年何獨今歲如此膜外有膜隔處生隔此則大人君子識見高卓明見萬里

不張皇不搖動處某生也鄙止據耳目所及雪涕而書何足以知之予假品水史氏述

〔又荒政議上甘中丞錄節吳興古稱澤國天目諸山之水衝

激如射弩而具區爲尾閭乘風橫溢時抱不測之憂嘉靖廿三年四十年以久雨萬厯十五年以湖嘯最號凶歲末有如今日之甚者也四月初十以後無日不雨麥已無秋及至芒種貧民貸本插秧而涇潦異常經旬不止山水驟漲東北風乘之捲浪翻空湖流內鬻高田水深數尺低鄉幾至尺餘沉竈產蛙牆傾屋倒百姓扶老攜幼遷徙無家由安吉長興抵歸烏七邑盡成巨壑自端陽至小暑新苗浸久糜爛幸今水退業已無望況未退乎即使有秧尙難

再時況絕根乎野無突煙道多聚哭誠二百年未有之災也不佞目擊時變近懷粉榆之憂上切根本之慮仰賴大父母仁心爲質情切痾瘵敢摠一得稍佐末議倘不以葑菲見遺俯賜採擇地方幸甚 一議蠲賑救荒之法常恐後時良由踏勘稽緩文移往返遷延旬月有匿不得報卽報不以實者亦有申請再三當道不遽以聞度支不卽曲處者謂太倉告匱邊餉急如燃眉何暇議蠲議賑又有謂聖意難回上請無益不知國家仰給東南嘉湖杭首稱外府民旣無聊必至逃徙逃徙不已去而盜賊盜賊不已追捕計窮千百成羣揭竿嘯呼淮北燕南連年荒歉極矣人心思亂紛紜剽劫若江南一動土崩之勢必成異日軍興

調遣較目前補助難易多寡恆人能辨今日請蠲請賑本  
一念血誠破常調行之方能感格明主聳動羣公所謂求  
牧與芻而不得必非從容談笑可以尋常塞責者也 一  
禁攘奪富家平時以子母十五之利橫索貧民叢怨既深  
一遇凶荒唯有封困邀厚價乘時射利難以休戚一體之  
義戶曉而地方奸棍假饑民爲名鬪然而起曩者借貸不  
允尋至攘奪今不待借貸矣飛舟執械放銃鳴鑼白晝橫  
行各村聚劫稍有積儲之家挈子女輕裝入城而村落墟  
矣夫大家者一方元氣也元氣日索單戶誰倚此大亂之  
漸必不可貸者也官府重念民饑稍爲姑息紀綱一弛盜  
竊公行馴至于戈貽害更甚此孟子所謂罔民者耳善救

荒者拊循饑民不爲奸民所乘禁約奸民不爲富民射利  
者所乘操縱寬猛間不容髮 一議設處近年倉廩空虛  
上下無措平糶則積而不出閉糶則遏而不入不得已勸  
借無論怨囂易起變故橫生富民之粟亦有時而盡不若  
訪于豐熟去處擇富戶當鋪之老成有才識者加以禮貌  
給以院道明文每名量給數百金不論米麥豆穀速令各  
處收糶仍知會南京操院蘇松淮揚軍門移文各屬有米  
處毋得刁勒留難彼此通融護送出境米戶旣無關津之  
權且有子母之利公糶外各有私齎規利者驚走聞風者  
蟻附米聚而價自平矣至于錢糧難措非望之恩不可幾  
倖或各處罰贖或各年積羨可以曲處或徒杖以下罰米

可以權宜或不急錢糧可以停征緩征或南北白糧可以改折或應省解戶可以納米代役設誠而行多方以求何患不濟 一興工作賑濟之苦有四開報虞欺漏興發虞刁勒侵冒叢聚虞疫癘唯鳩工修築爲賑濟良法卽以長興言之邑東如白鳥區邑西如官莊垆雁蕩東北如包洋湖畔石家垆最低埂旣卑薄水易平漫常年預行修葺臨患不至束手今若加築圩岸便可分賑饑民如一圩中多至千畝少數百畝就四圍塹濠取土量水淺深爲堤高下趾三倍以漸而高三殺之中每百畝復圍一小埂高廣如外堤十四大小塹濠可蓄內水菱芡藕可藉完糧堤畔樹桑計田量分可爲世業桑利汙泥歲增高厚瘠產化作膏

壤價亦倍踊量其增價幾何預捐十七易米興工百畝以上爲田正每築土一方包價若干課其勤惰給發力不能出米者官爲處給計丈尺論工發米委一公正里老互相糾舉良牧時親督察不勸借而樂輸不開報而趨赴諸弊盡革永利漸興大戶肯廣收圩田出米修築或挑築桑地官量時價給與印帖小民不得豐年取贖較之抵借息重產歸大戶者利害徑庭若長吏任事于上富室隨力修創興利默寓賑饑治田兼可弭盜其他殘疾衰耄不妨於各寺院煮粥分賑但得可託之人與尋常設局虛應故事者不同 一議旌別非常之災必才誠兩合之士竭力擔當苦心斡旋方濟萬一雖然文法不寬豪傑多至掣肘名實

不核巧王多易亂真鄧使君廉吏也以停征至經歲罰俸  
長興饑民迄今流涕曰戊己而後微鄧父我輩不生矣當  
事者弗善也偃蹇一民部以老蓋仔肩與巧飾異軌獨行  
與脂韋殊調嫌疑起于相軋謗忌生于任真古之循良易  
今之循良難世趨然也下至村叟稍欲自豎訾詬頓生瑣  
屑畧有興除羣咻橫集上下以虛文相蒙中材以嫌怨畏  
縮信賞罰于不測核名實于匹夫匹婦之口令任事者畢  
志窮閭則良牧出荒政自舉矣

萬曆三十七年冬無雪三十九年黃梅無雨仍有秋四十年未  
蟄先雷四十一年三月大風冰雪四十二年旱四十四年十  
二月天鼓鳴四十六年正月黑虬十月雷電四十八年正月

南潯志

卷二十八

災祥一

夫

大雷二月連雨夏旱石米一兩五錢饑

泰昌元年十月大雷電

天啟元年大雪三年十二月地大震生白毛四年正月黑雨四  
月雨傷蠶麥五月梅雨浹旬秧苗盡沒七月後大雨三日再  
插再渰一歲兩荒

明大學士朱國禎江南水患異常舊守荒政可紀疏節錄本

月廿一日接得家報謂五月廿四日以前江南大雨連旬  
水勢驟湧比戊申年高且數尺驚而歎曰國家困匱極矣  
畿以南連及山東淮揚或水或旱皆見告矣僅賴江南有  
秋可資外庫今又極災將何以支因思戊申年臣方在家  
一望陸沈田禾盡沒爲二百年未有之變幸今南京光祿

寺少卿陳幼學爲太守今戶部尙書李長庚爲分守相與流涕奔走晉諸父老策之臣亦忝與末議其言曰以一人救則難合眾人則易以一府一縣救則偏合眾州縣則全以江南救則小合淮之南北晉而江楚則大就中又有緩急先其急者一禁搶奪以定民心定之不妨用重典也一停勸借以安巨室安之正以收實用也二令並頒洵洵頓息於是議及緩者一通米之源田無顆粒矣何以通之則悉召富商大賈與宦宅民家稍有力者諭以戊子水荒次年米價至一兩八錢餓死百萬河水腥不可汲今且災更甚酷亦必甚汝輩宜販糶江淮多多益善旣可救饑又可得利利且數倍而先期言之撫按移書漕運江西湖廣三

撫臣三按臣及郡邑長吏之衝要者告以恤鄰義之大閉糶惡之尤又言之操江都御史遊弈千里迎送商舟攔阻者卽行捆打一時諸臣莫不響應而販者仍給路符往返再四聽其久用船入京口隨其所之民無不踴躍願從臣記得秋月泊舟平望米船連帆而至尾相接也饑民欣欣相告曰米多如此豈愁餓死至冬價僅一兩次年正月加僅一錢二月後漸減至八錢眼不見餓夫道不臥丐子農皆謳歌力業耕其故土此通米之說也一開銀之源人各自私何以開之悉召質庫不分主客告以大災不派汝銀亦不煩汝他費有事倍加照拂但米到卽質質直以十之八九爲率如米價百兩質八十五金復糶漸質漸減減不

廢糶大約百金可得三百金之米在質者本利遞增聞風競起在糶者質之利寡糶之利多計期取息百不失一臣畧記蘇湖二府積米可三百餘萬石程氏一鋪至二十四萬石此開銀之說也其間節省伸縮二臣備極苦心又殿以勸借一策是時所糶既多獲利不少感上官體恤之恩發自己惻隱之念一檄纔張萬眾歡赴民命既全國課不損雖荒不荒此皆二臣與浙直撫按之力而臣得之目擊私相詫以爲自來救荒未有如此盡善盡美則其規模宏遠條理精密識之早而圖之豫也今災仍此災勢更劇地仍此地人更窮刁頑更甚豆麥蠶絲先皆兩敗又當長興毘陵變故之後驚魂未定不逞尤多雖舊法未可盡泥要

妙用卽在前規神明曲彎是在地方諸臣一加之意不日撫按疏至破格蠲賑事在該部臣生其地值其時旣知確信先以入告非爲家鄉也爲江南也非爲江南也數百萬錢糧產此數千萬貨殖萃此爲國家根本計也伏乞敕下戶部覆議施行

又爲東南請命以弭禍亂疏臣拜疏求去蒙皇上懇留於先允放於後草疏陳謝方期少效靖獻以畢生平報主之概隨於暇時閱浙江巡撫王洽應天巡撫周起元再請改折語意酸楚蓋二臣身在事中故言之真切至此夫倉庾空竭人皆知之誰非臣子不顧朝廷之急顛爲小民性命計爲有司催徵計發此言哉蓋其荒爲異常之荒苟無以

處之則其勢爲必亂之勢何則朝廷所徵者銀耳米耳銀猶可發藏轉貸以應公家之求米則一歲之收不足供一歲之用反取給於外江故荒政有折有蠲有賑大荒兼行中荒用二小荒只止於折今漕米之折不過用小荒之策且五錢舊額加至六錢或六錢五分而所折之數又減之爲三分之一夫百姓喁喁期望全折其貧者方引領盡蠲曰聖天子深念民窮咀盡且如萬曆十六年大發帑金以賑矣今賑不敢言蠲不可望而區區折之一字又靳而不與且許而復奪地方官何辭以見百姓而百姓哀號震動勢必就死其又何所不至哉且折之盈縮短長臣固已苦口言之矣近年漕運之遲皆繇船政之壞若得全折回空

之船秋冬之交必已大備復冬月開兌之期銀折一半實止半年此事之確確可據而眾不謂然也在京各衙門冗支甚多悉行查革歲可省米十五六萬京營軍月糧十分折一歲可省米三十萬此亦事理確確可行而眾未見舉也其應支者或折半或全折歲可省米十餘萬惟徃江南富饒之說而曰敢不如額要有司何用誰敢稱亂在國法不容其然豈其然乎臣去國之人與父老同死亦不足恤獨謂財賦根本之地事勢皇迫之秋因米而竟至失米因漕而返至虧漕則臣所不敢言亦不忍言者近者應天之疏已得嚴旨該部必與處分其浙江之疏臣方杜門未知作何發落據臣草莽之見莫若皇上自霽德音再折五十

萬石使浙直依額均分以慰百姓之望以寬地方諸臣之  
憂仍勅所司在京師曲議查折補此缺數則民情不至駭  
動國儲尚可支吾而臣歸家後區區愛國憂民之心亦得  
藉以少補其萬一也

天啟五年大旱

董斯張乙丑秋熱苦旱作俳諧體廿五韻淫霖方昨嘆旱  
魃復今謠矯枉何其過含生忍再凋庭榴看葉卷池藻畏  
莖惟毒熱雄銷骨繁憂坐達宵僧嫌茶施盡僕苦浴薪饒  
炙手嗟無避層冰想竟遙桔槔聲漸燥益益滓如潮舊井  
皆逢漏沿林祇給樵鳩喉全塞兌蟻穴懶遷喬俗傳蟻遷  
穴則有雨  
出市霞無信諺云朝霞  
不出市彎弓月可描語日月似彎  
弓少雨多風星非名

南潯志

卷二十八

災祥一

三

土聚雨似大夫招淺港乾菱蔓蔬園臥豆苗稻泥龜兆圻

桑蔭火雲燒禱社驅巫覲迎神列鼓簫楊枝童子首里中  
禱雨

諸童子以柳枝  
蟠首二步一拜角帶縣官腰聞令公日  
素服禱雨禁殺偷懸秤開渠

擬買鍬未容愁蚌脯直慮起蝗妖城閉難呼鑰溪行不要

橋曲占魚骨喜俗傳魚骨  
曲則有雨尖怕燭花搖俗傳燈花  
尖則天晴米價踊

中踊民腴消更消斷炊鄰媪瘡遏糶富兒驕枵腹誰能忍

探丸恐或挑汗邪求半活震霖望崇朝比者租庸急空思

惠澤邀傳聞珠足探水涸甚數十里間多  
割蚌者往往得珠吾欲緯江蕭

天啟六年蝗災七月朔大風拔木霖雨如注屋廬俱壞兩晝夜

方息七年正月震電雨雪五月晝夜霖雨四境平沈秧苗盡

沒六月水平復種至七月雨復如初種者又沒一歲兩荒秋

大風拔木太湖水溢

崇禎元年水七月大風拔木二年四月地震閏四月又震十二月又震歲大禳四年大水五年自八月至十月七旬不雨饑六年二月雨雹六月龍風折屋拔木水饑七年三月地震四月大雨雹八年大水秋蝨九年大旱酷熱十年大饑訛傳太湖賊寇從北柵掩殺而至鎮民奔竄幾空十一年旱蝗十二年夏恆雨十三年五月大雨七晝夜水溢渰禾米價騰踊每石價一兩六錢十四年春大雪六月旱蝗霧繼之禾盡萎癘疫盛作米價石四兩十五年大水饑人相食盜賊蜂起大疫十六年大旱饑人相食十七年春大疫民嘔血縷卽死地震生白毛民間有地動白毛生老小一齊行之諺

南潯志

卷二十八

災祥一

三